

四庫全書

史部

欽定四庫全書

史部

資治通鑑考異卷

三五

詳校官修撰_臣錢 蔡

洗馬_臣王坦修覆勘

總校官庶吉士_臣張能照

校對官編修_臣裴 謙

謄錄監生_臣金士虔

謄錄監生_臣劉銓瑛

欽定四庫全書

資治通鑑考異卷三

宋司馬光撰

漢紀下

獻帝初平元年三月乙巳車駕入長安

袁紀作巳巳今從范書

袁術據南陽

范書袁傳云劉表上術為南陽太守表傳云術與兵七魯陽表不得至荊州魏志術

傳孫堅殺袁術於南陽袁術初公魯陽此春孫堅取南陽術乃據之

術以魯陽為治所也

六月王匡殺胡毋班等

謝承後傳漢書曰班王匡之妹夫班與匡書云僕與太傅馬公

太僕趙岐少府陰脩俱受詔命關東諸郡雖實嫉卓猶以銜奉王命不敢玷辱而足下獨囚僕於獄欲以釁鼓此悖暴無道之甚者也按范書此年六月遣韓融等安集關東袁術王匡各執而殺之三年八月遣馬日磾及趙岐慰撫天下袁紀遣馬趙亦在三年八月時董卓已死而此書云與馬趙俱受詔又云患卓遷怒自相乖迕疑非班書今不取

冬蔡邕議省廟號

袁紀在明年今從范書

二年四月皇甫嵩荅董卓

范書嵩傳及山陽公載記記嵩語與此不同今從張璠漢

紀

韓馥以冀州讓袁紹長史耿武治中李歷諫九州春秋

作耿或今

從范書魏志袁紀又范書騎都尉沮授諫無李歷今從魏志袁紀

十月帝遣劉和詣父虞

范書劉虞傳虞使田疇使長安時和為侍中因遣從武關出按

魏志公孫瓚傳但云天子思歸不云因疇至也若爾當令和與疇俱還不應出武關又疇未還劉虞已死虞死在初平四年冬界橋戰在三年春范書誤也

孫堅戰死

范書初平三年春堅死吳志孫堅傳亦云初平三年英雄記曰初平四年正月七日死袁

紀初平三年五月山陽公載記載策表曰臣年十七喪失所怙裴松之按策以建安五年卒時年二十六計堅之亡策應十八而此表云十七則為不符張璠漢紀及胡沖吳歷並以堅初平二年死此為是而本傳誤也今

從之

三年袁紹斬嚴綱

九州春秋作劉綱今從范書魏志

四月騎都尉李肅

袁紀作李順今從范書魏志

荀攸與鄭泰種輯謀殺董卓

魏志云攸與何顓伍瓊同謀按顓瓊死已久恐誤

五月

范書丁酉大赦袁紀丁未大赦按是年正月丁丑大赦及李傕求赦王允曰一歲不再赦然則五月

必無赦也

李傕等圍長安守之八日

魏志云十日今從范書

揚州刺史陳溫卒袁術以陳瑀為刺史

獻帝紀四年三月袁術殺陳溫

據淮南魏志術傳云術殺溫領其州裴松之按英雄記溫自病死不為術所殺九州春秋曰初平三年揚州刺史陳禕死術以瑀領揚州蓋陳禕當為陳溫實以三年卒今從之

四年正月丁卯赦

素紀五月丁卯赦今從范書

六月闕宣稱天子陶謙擊殺之

范書謙傳作閭宣今從魏志武紀及謙傳魏武

紀又曰謙與宣共舉兵取泰山華費掠任城謙傳亦云謙始與合從後遂殺之并其眾按謙據有徐州託義勤王何藉宣數千之眾而與之合從蓋謙別將與宣共襲曹嵩故曹操以此為謙罪而伐之耳

興平二年正月癸丑赦

素紀作癸酉按長曆是月癸卯朔無癸酉今從范書

拜袁紹為右將軍

素紀作後將軍今從范書

閏月已卯帝使皇甫

鄴和倕汜

袁紀鄴作麗今從范書

沮授說袁紹迎天子

魏志紹傳曰天子在河東紹遣郭圖使焉圖還說紹迎天子都鄴紹

不從今從范書

孫策渡江

魏志袁紀皆云初平四年策授袁術使渡江漢獻帝紀吳志孫策傳皆云興平元年虞傳

江表傳云策興平二年渡江按術初平四年始得壽春策傳云術欲攻徐州從陸康求米事必在劉備得徐州後也劉繇傳稱吳景攻繇歲餘不克則策渡江不應在興平元年已前今依江表傳為定

劉繇敗走

帝紀繇敗走在興平元年今從江表傳

繇使朱皓攻諸葛玄

袁曄獻帝春秋云劉表上玄領豫章太守范書陶謙傳亦云劉表所

用而陳志諸葛亮傳云術所用按許劭勸繇依表必不攻其所用也今從亮傳

建安元年六月劉備戰敗屯於海西蜀志備傳於此云楊奉韓遂寇除揚

間備邀擊盡斬之按遲奉後與呂布同破索術於時未死也備傳為誤

備屯小沛備傳云遣關羽守下邳此在布敗後備傳誤也

八月董承等拒曹洪魏志此事在正月而荀彧傳迎天子在都維後今從傳

曹操為鎮東將軍魏志在六月而董昭傳在都維後今從傳

十月郭嘉諫操圖劉備本傳以為程昱郭嘉勸操殺備今從魏書

二年孫策襲烏程侯江表傳曰建安二年夏王誦奉戊辰詔書賜策不知其何月也

九月操擊斬橋蕤

范書呂布傳云布破張勲於下邳生擒橋蕤此又一橋蕤將蕤被獲又還

也然魏志呂布傳無橋蕤事當是范書誤

操攻呂布灌城月餘

范書布傳云灌其城三月操以十月至下

邳及殺布共在一季不可言三月今從魏志武紀

劉備諫操緩呂布

獻帝春秋曰太祖意欲活布命使寬縛主簿王必趨進曰布勅虜也其衆

近在外不可寬也太祖曰本欲相緩主簿復不聽如之何今從范書陳志

十二月桓階說張羨附曹操

魏志桓階傳袁曹相拒官渡而階說羨按范書劉表

傳建安三年羨表在官渡前也

孫策遣張紘獻方物

江表傳曰倍於元年所獻其年制書拜討逆封吳侯按策貢獻在二

年非元年也又陳志紘傳曰建安四年遣紘奉章詣許按吳書紘述策才略忠款曹公乃優文褒崇改號加封然則紘來在策封吳侯前本傳誤也

四年四月袁術部曲奔劉勲

吳志孫策傳曰術死長史楊弘大將張勲等將其眾

欲就策廬江太守劉勲邀擊悉虜之收其珍寶以歸與諸書不同今從范書陳志術厚及江表傳

十二月華歆迎孫策

華嶠譜敘曰孫策略有揚州盛兵徇豫章一郡大恐官屬請出郊迎

歆曰無然策稍進復白發兵又不聽及策至一府皆造閣請出避之乃笑曰今將自來何遽避之有頃門下白曰孫將軍至請見乃前與歆共坐談議良久夜乃別去義士聞之皆長歎而心自服也此說大不近人情今不

取

劉備殺車胄

蜀志先敘董承謀洩誅死備乃殺車胄魏志備殺車胄後明年董承乃死袁紀備據

下邳亦在承死
前蜀志誤也

五年正月曹操破備

魏書曰備謂操與大敵連不得東而候騎卒至言曹公來備大驚然

猶未信自將數十騎出望公軍見麾旌
便棄衆而走計備必不至此魏書多妄

四月孫策擊陳登到丹徒

此事出江表傳據策傳云策謀襲許未發而死陳矯傳云

登為孫權所圍於匡奇登令矯求救於太祖太祖遣赴
救吳軍既退登設伏追奔大破之先賢行狀云登有吞
滅江南之志孫策遣軍攻登於匡奇城登大破之斬虜
以萬數賊忿喪軍尋復大興兵向登登使功曹陳矯求

救於太祖此數者參差不同孫盛異同評云按袁紹以建安五年至黎陽策以四月遇害而志云策聞曹與紹相拒於官渡謬矣伐登之言為有證也今從之

策殺許貢

江表傳曰初貢上表於漢帝言策驍雄宜召還京邑若放於外必作世患候吏得表以示

策策以讓貢貢辭無表策令武士絞殺之按貢先為朱治所迫已去郡依嚴白虎安能復爾蓋策破白虎時殺貢耳

丙午策卒

虞喜志林云策以四月四日死故置此陳志策傳策陰欲襲許迎漢帝密治兵部署未發

為許貢客所殺郭嘉傳曰策渡江北襲許眾聞皆懼嘉料之曰策輕而無備必死於匹夫之手果為貢客所殺嘉雖先見安能知策死於未襲許之前乎蓋時人見策臨江治兵疑其襲許嘉料其不能為耳

十月許攸奔曹操

魏志武紀曰攸貪財素紹不能足來奔今從范書紹傳

操破紹殺七萬餘人

范書紹傳曰所殺八萬人按獻帝起居注曹公上言凡斬首七萬餘

級

周瑜止魯肅

肅傳曰劉子楊招肅往依鄭寶肅將從之瑜以權可輔止肅按劉曄殺鄭寶以其眾

與劉勲勲為策所滅寶安得及權時也

七年五月南單于降

魏志張既傳曰高幹反單于皆降非也

八年二月曹操攻黎陽

魏志武紀作三月今從范書素紹傳又魏志紹傳云譚尚與太

祖相拒黎陽自二月至九月當云自九月至二月

操追袁譚袁尚至鄴

范書紹傳曰尚逆擊破操軍今從魏志紹傳

九年七月袁尚保祁山

魏志紹傳云還走濫口范書作藍口今從魏武紀

十三年正月趙溫免

獻帝起居注在十五年范書帝紀在十三年按是年罷三公官溫不

至十五年也

甘寧奔孫權

吳志孫權傳建安八年十二年皆嘗討黃祖凌統傳父操死時統年十五攝父兵後

擊麻保屯刺殺陳勤按周瑜孫權傳以十一年擊麻保屯則操死似在八年然後五年寧乃奔權似晚今無年

月可據追言之

六月曹操表馬騰為衛尉

典略曰建安十五年徵騰為衛尉按張既傳曹公將征荆

州令既說騰入朝
蓋三字誤為五耳

八月蒯越等說劉琮降

范書陳志表傳皆云韓嵩亦說琮降按嵩時被囚必不預謀

九月操以王粲為掾屬

粲傳曰太祖置酒漢濱繫奉觴賀云云按操恐劉備據江陵至

襄陽即過日行三百里引用名士皆至江陵後所為不得更置酒漢濱恐誤

十二月孫權圍合肥

魏志武紀十二月權為備攻合肥公自江陵征備至巴丘遣張熹救

合肥權聞熹至乃走公至赤壁與備戰不利孫盛異同評曰按吳志備先破公軍然後權攻合肥而此紀云先攻合肥後有赤壁之事二者不同吳志為是先陳矯傳云陳登為權所圍於匡奇令矯求救於曹操而先賢行狀云登為策所圍按策始欲攻登未濟江已為許貢客所殺吳書云權征合肥命張昭別討匡奇於時陳矯已

為曹仁長史又陳登年三十六而卒必已不在不知登之被圍果在何時也

十四年三月權燒圍走

魏志武紀十二月權圍合肥劉馥傳云攻圍百餘日孫權傳云

踰月不能下由此言之權退必在今年明矣

張遼討斬陳蘭梅成

遼傳無年按繁欽征天山賦云建安十四年十二月甲辰丞相武平

侯曹公東征臨川未濟羣舒蠡動割有潛六乃俾上將盪寇將軍張遼治兵南岳之陽又去陟天柱而南徂故置於此

十五年十二月周瑜卒

按江表傳瑜與策同年策以建安五年死年二十六瑜死時年

三十六故知在今年也

魯肅勸權以荊州借備

肅傳曰曹公聞權以土地業備方作書落筆於地恐操不至於

是今不取

十六年八月操遣徐晃等渡蒲阪津

晃傳曰太祖至潼關恐不得渡召問

晃晃曰公盛兵於此而賊不復別守蒲阪知其無謀也今假臣精兵渡蒲阪津為軍先置以截其裏賊可禽也太祖曰善按武帝紀潛遣二將渡蒲阪皆太祖之謀而晃傳云皆晃之策蓋陳氏各欲稱其功美不相顧耳

操與韓遂語

許緒傳曰太祖與韓遂馬超等會語左右皆不得從唯將緒超負其力陰欲前突太

祖素聞緒勇疑從騎是緒乃問曰公有虎侯者安在太祖顧指緒緒瞋目眄之超不敢動按時超不與遂同在太

彼故疑遂此說妄也

十二月法正說劉備取益州

韋曜吳書曰備前見張松後得法正皆厚以恩德接

納盡其殷勤之歡因問蜀中闊狹兵器府庫人馬衆寡及諸要害道里遠近松等具言之按劉璋劉備傳松未嘗先見備吳書誤也

十七年十月荀彧飲藥而卒

陳志或傳曰以憂薨范書或傳曰操饋之食發視乃

空器也於是飲藥而卒孫盛魏氏春秋亦同按彧之死操隱其誅陳壽云以憂卒蓋闕疑也今不正言其飲藥恐後世為人上者謂隱誅可得而行也

十八年九月馬超奔張魯

楊阜傳云十七年九月武帝紀十八年超在漢陽復因羌

胡為害十九年正月趙衢等討超超奔漢中按姜敘九月起兵超即應出討超出衢等即應閉門不應至來年

正月蓋魏史書捷音到
鄴之月耳楊阜傳誤也

十九年七月操留少子植守鄴

植傳云太祖戒之曰吾昔為頓丘令年二十三

思此時所行無悔於今今汝年亦二十三矣又云植太和六年薨年三十一按植今年年二十三則死時當年四十一矣本傳誤也

二十年五月呂蒙留孫河委以後事

按孫河已死或它人同姓名耳

劉備聞操將攻漢中

備傳云曹公定漢中孫權傳云入漢中按操以七月入漢中備未應

即聞之而八月權已攻合肥蓋聞曹公兵始欲向漢中即引兵還耳

七月張衛等夜遁

武帝紀曰公至陽平張魯使弟衛等據關攻之不拔乃引還賊守備解散

公乃密遣解慟等乘險夜襲大破之劉曄傳曰太祖欲還令曄督後諸軍曄策魯可克馳白太祖不如致攻遂進兵魯乃奔走巴中軍糧盡太祖將還西曹掾郭謏曰魯不得進魯走巴中軍糧盡太祖將還西曹掾郭謏曰魯已降留使既未反衛雖不同偏攜可攻縣軍深入以進必克逃必不免太祖疑之夜有野麋數十突壞衛營軍大驚高祚等誤與衛衆遇衛以為大軍見掩遂降魏名臣奏載楊暨表曰武皇帝征張魯以十萬之衆身親臨履張衛之守蓋不足言地險守易雖有精兵虎將勢不能施對兵三日欲抽軍還天祚大魏魯守自壞因以定之又載董昭表其承涼州以下皆昭表所述必得實今從之

守將雖斬之

劉曄傳云備雖斬之按備傳云備下公安

也安

二十二年正月操軍居巢

孫權傳曹公次居巢攻濡須並在去冬今從魏武紀

二十四年正月劉備營於定軍山

備傳云於定軍山勢作營法正傳作定軍

興勢今從黃忠傳

斬夏侯淵

淵傳曰備夜燒圍鹿角淵使張郃護東圍自將輕兵護南圍備挑郃戰郃軍不利淵分兵

中助郃為備所襲戰死張郃傳曰備於走馬谷燒都圍淵救火從他道與備相遇交戰短兵接刃淵遂沒今從劉備黃忠法正傳

魏紀

高祖黃初元年十月辛未升壇受禪

陳志云丙午上至曲蠡漢帝禪位庚

午升壇即昨末紀亦云庚午魏王即位按獻帝紀乙卯始發禪冊二十九日登壇受命又文帝受禪碑至今尚在亦云辛未受禪陳志袁紀誤也范書云魏遣使求璽綬曹皇后不與如此數輩后乃呼使者以璽抵軒下因涕泣橫流曰天不祚爾左右皆莫能仰視按此乃前漢元后事且璽綬無容在曹后之所此說妄也

二年

陳志正月乙亥朝日于東郊裴松之以為朝日在二月按二月辛丑朔無乙亥

烈祖太和二年正月姜維降漢

孫盛雜語曰維詣諸葛亮與母相失後得母書

令求當歸維曰良田百頃不在一畝但有遠志不在當歸也按維粗知學術恐不至此今不取

青龍二年

唐太宗晉書景懷夏侯后傳后以此年死云宣帝居上將之重諸子並有雄才大略后知

帝非魏之純臣而后既魏氏之甥帝深忌之遂以鳩崩按是時司馬懿方信任於明帝未有不臣之迹況其諸

子乎徒以魏甥之故猥鳩其妻都非事實蓋甚之之辭不然師自以他故鳩之也今不取

景初二年六月公孫淵圍塹二十餘里

晉宣紀云南北六七十里今從

淵傳

十二月劉放執帝手作詔免燕王宇等官

放傳曰宇性恭良陳誠固

辭帝引見放資入卧內問曰燕王正爾為放資對曰燕王實自知不堪大任故耳帝曰曹爽可代宇否放資因贊成之又深陳宜速召太尉司馬宣王帝納其言放資既出帝意復變詔止宣王勿來尋更見放資曰我自召太尉而曹肇等反使吾止之命更為詔帝獨召爽與放資俱受詔命遂免宇獻肇朗官按陳壽當晉世作魏志若言放資本情則於時非美故遷就而為之諱也今依習鑿齒漢晉春秋郭頒世語似得其實

邵陵厲公正始四年十二月陸遜諫吳主不分嫡庶

吳錄

曰權時見楊竺辟左右而論霸之才竺深述霸有文武英姿宜為嫡嗣於是權乃許立焉既而遜上表極諫權疑竺泄之乃斬竺按竺死在太子廢後吳錄所述妄也

嘉平元年正月曹真何晏等族誅

魏氏春秋曰宣王使晏與治爽等獄晏窮

治黨與冀以獲宥宣王曰凡有八族晏疏丁鄧等七姓宣王曰未也晏窮急乃曰豈謂晏乎宣王曰是也乃收晏按宣王方治爽黨安肯使晏與其獄就令有之晏豈不自知與與最親而冀獨免乎此殆孫盛承說者之妄耳

五年十月吳孫峻殺諸葛恪

恪傳曰恪省張約等書而去未出路門逢太常滕胤

恪曰卒腹痛不任入屑不知峻陰計謂恪曰君自行旋未見上今上置酒請君君已至門宜當力進恪躊躇而還孫盛以為不然今從吳歷

高貴鄉公正元二年十二月吳作太廟

吳歷太平元年正月立太祖廟

沈約宋書孫亮立明年正月立權廟今從吳志

元帝景元元年正月高貴鄉公出懷中黃素詔王沈王

業奔走告司馬昭王經不從

世語曰經因沈業申意今從晉諸公贊

陳泰請斬賈充

魏氏春秋曰帝之崩也太傅司馬孚尚書右僕射陳泰枕帝尸於股號哭盡哀

大將軍入禁中泰見之悲慟大將軍亦對之泣謂曰玄伯其如我何泰曰獨有斬賈充少可以謝天下耳大將

軍久之曰卿更思其他泰曰豈可使泰復發後
言遂歐血薨裴松之以為違實今從子寶晉紀

四年九月護軍荀愷

晉書文紀作部將
易愷今從魏志

咸熙元年正月衆殺姜維鍾會

衛瓘傳曰會劉瑾謀議
乃書板云欲殺胡烈等

舉以示瓘瓘不許因相疑貳瓘如廁見胡烈故給使使
宣語三軍言會反會逼瓘定議經宿不眠各橫于膝上
在外諸軍已潛欲攻會瓘既不出未敢先發會使瓘慰
勞諸軍瓘便下殿會悔遣之使呼瓘瓘辭眩疾動詐仆
地比出閣數十信追之瓘至外解服鹽湯大吐會遣所
親人及醫視之皆言不起會由是無所憚及暮門閉瓘
作檄宣告諸軍並已倡義陵旦共攻會殺之常據華陽
國志曰會命諸將發喪因欲誅之諸將半入而南安太
守胡烈等知其謀燒成都東門以襲殺會及維今從魏
志又世語曰維死時見剖膽如斗大如斗非身所能容

惡當
作升

晉紀

世祖泰始元年九月乙亥葬文王

晉書文紀作癸酉
今從魏陳留王志

二年八月陸凱上疏諫吳主

陳壽曰予連從荆揚來者
得凱所諫皓二十事博問

吳人多云不聞凱有此表又按其文殊甚切直恐非皓
之所能容忍也或以為凱藏之篋笥未敢宣行病困皓
遣董朝省問欲言因以付之虛實難明故不著于篇然
愛其指隨皓事足為後戒故鈔列于凱傳左今不取

十月丙午朔日食

宋書志無此
食今從晉書

十二月吳主還都建業

吳志陸凱傳或曰寶鼎元年十
二月凱與丁奉丁固謀因皓謁

廟欲廢皓立孫休子時左將軍留平領兵先驅故密語
平平拒而不許誓以不泄是以不果按凱盡忠執義必
不為此事況皓殘酷猜忌留平庸人若
聞凱謀必不能不泄殆虛語耳今不取

四年正月丙戌賈充等上律令帝令裴楷執讀

刑法志云泰始

三年事畢表上今從武紀裴楷傳云文
帝時詔楷於御前執讀今從刑法志

九月石苞免官

晉書武紀及苞傳皆無苞免官年月蕭方等三十國春秋杜延業晉春秋置在

此今從之苞傳又云救琅邪王伉自下邳會壽春按武紀伉明年二月乃鎮下邳恐傳誤

十月吳萬或寇襄陽

晉帝紀作郁今從吳志

五年二月文立言蜀名臣子孫宜敘用

立傳載此表在遷太子中庶子

後按泰始七年立舉郤詵時猶為濟陰太守於今未為庶子也若諸葛京署吏不因立表則京先已署吏立不當更云宜量材敘用也

六年正月吳丁奉入渦口

吳志丁奉傳建衡元年攻晉穀陽晉帝紀不載奉傳不言

入渦口疑是一事

七年四月吳陶璜襲殺董元

璜傳云出其不意徑至交趾按元乃九真太守非交

趾也華陽國志云元病亡楊稷更以王素代之按武帝紀四月九真太守董元為吳將虞汜所攻軍敗死之則元非病亡蓋稷雖以素代元未至郡而元死也

衆胡內叛與樹機能圍牽弘弘死之

崔鴻十六國春秋秃髮烏孤傳云其

先樹機能本河西鮮卑泰始中殺秦州刺史胡烈斬涼州刺史牽弘晉帝紀叛虜殺胡烈北地胡殺牽弘皆不言鮮卑盖言羣虜內叛則鮮卑亦在其中矣或北地胡即樹機能也

七月癸酉賈充都督秦涼

三十國春秋晉春秋充出並在八年二月按武帝紀充出

在此月盖二春秋以太子納妃在八年二月致此誤也

陶璜陷交趾殺毛炆

漢晉春秋曰初霍弋遣楊稷毛炆等戍交趾與之誓曰若賊圍城未

百日而降者家屬誅若過百日救兵不至而城沒者吾受其罪稷等守未百日糧盡乞降於璜不許而給糧使守諸將並諫璜曰霍弋已死不能救稷等必矣可須其日滿然後受降使彼得無罪而我取有義內訓吾民外懷鄰國不亦可乎稷等期訖糧盡救兵不至乃納之華陽國志則云稷等城破被囚稷歐血死炆罵賊死二者

相戾不可得合而晉陶璜傳兼載之按孫皓猜忌恐璜不敢以糧資敵今從華陽國志

十月丁丑朔日食

宋書五行志有五月庚辰食無十月丁丑食晉書紀及天文志有十月丁

丑食無五月庚辰食今從晉書

十二月安樂思公劉禪卒

晉春秋云禪謚惠公今從王隱蜀記

八年夏張弘殺皇甫晏王濬討斬之

華陽國志弘殺晏在十年五月武帝

紀在今年六月按王濬請伐吳表云臣作船七年日有朽敗濬再為益州刺史方受詔作船咸寧五年下詔伐吳借使濬以其年上表則再為益州亦在泰始九年之前矣今從晉紀為定

祜表留濬復為益州

羊祜傳云表留濬監益州諸軍事加龍驤將軍按濬傳祜密表留濬

重拜益州刺史又曰尋以謠言拜龍驤將軍監梁益諸軍事然則作刺史與監軍自是二事也華陽國志又云

咸寧四年濬遷大司農五年拜龍驤監梁益二州按時羊祐已卒尤不可據

濬造舟艦華陽國志云咸寧三年三月濬受詔作艦按濬表云作船七年則國志不可據也

十月尹璩卒宋質廢梁澄表令狐豐為燉煌太守晉春秋璩

作據今從武紀武紀云令狐豐廢澄自領郡事今從晉春秋

賈充宴朝士三十國春秋在十一月晉春秋在十月已已恐皆非實故附于冬末

吳萬彧自殺吳志孫皓傳云彧被譴憂死今從江表傳

九年正月辛酉鄭袤卒按本傳袤為司空固辭久之見許以侯就第拜儀同三司而帝

紀云司空鄭

素亮誤也

七月丁酉朔日食

宋志無此食
今從晉書

十年四月吳主誅章安侯奮

江表傳曰張布女有寵於
皓而死皓厚葬之國人見

葬太奢麗皆謂皓已死所葬者是也皓舅子何都顏狀
似皓故民間訛言都代立臨海太守奚熙信訛言舉兵
欲還秣陵誅都都叔父植時為備海督擊殺熙夷三族
訛言乃息又云奮本在章安徙還吳城禁錮使男女不
得通婚或年三十四十不得嫁娶奮上表乞自比禽獸
使男女自相配偶皓大怒遣察戰齋藥賜奮父子皆飲
藥死裴松之按建衡二年至奮之死孫皓即位尚未久
若奮未被疑之前兒女年二十左右至奮死時不得年
三十四十也若先已長大自失時未婚娶不由皓之禁
錮矣此雖欲增皓之惡然非實理又吳志孫皓傳鳳凰

三年會稽妖言奮為天子遂誅奚熙不言誅奮孫奮傳
建衡二年左夫人王氏卒民間訛言遂誅奮及五子三
十國晉春秋自皓納張布女至殺奮皆在天冊元年按
奮若以建衡二年死不容至鳳凰三年會稽方有訛言
不知奮死果在何年今
因奚熙之死終言之

咸寧三年五月吳將邵顗

武紀作邵凱
今從羊祐傳

七月楊珧議封建

職官志以為珧與荀勗以齊王攸有
時望懼太子有後難故建此議使諸

王之國帝初未之察於是下詔議其制按勗傳
有異議又時齊王不之國疑此說非實今不取

十二月衛瓘離間二虜務桓降力微死

魏收後魏書鐵
弗劉虎匈奴去

卑之孫昭成四年死子務桓立按昭成四年晉成帝咸
康七年也務桓不應與瓘同時蓋二人皆名務桓耳

四年七月司冀等州大水螽傷稼杜預上疏食貨志云咸寧三年

杜預傳云四年按五行志三年大水無蟲災四年螽今從預傳

九月張尚忤吳主徙建安尋殺之

三十國春秋云岑昏等泥頭請代尚死尚

得免死徙廣州今從尚傳參取環氏吳紀

十月衛瓘撫牀帝令太子決尚書疑事

三十國春秋在泰始八年按瓘

傳泰始初為青州刺史徙幽州八年不得在京師瓘傳在遷司空後按帝紀泰康三年賈充卒十二月瓘為司

空故移在入為尚書令下

傳立卒

立傳曰五年遷太僕轉司隸景獻皇后崩坐爭位罵尚書免尋卒按景獻后崩在四年立傳誤也

五年十一月馬隆轉戰而前

隆傳曰或夾道累磁石賊被鐵鎧行不得前隆卒悉

披犀甲無所留礙賊以為神按此說太誕恐不可

太康元年二月乙丑王濬擊殺吳陸景

武紀壬戌濬克夷道樂鄉城殺

陸景陸抗傳壬戌殺晏癸亥殺景王濬傳壬戌克夷道獲晏乙丑克樂鄉獲景今從濬傳

或曰方春水生難於久駐

杜預傳曰今向暑水潦方降疾疫將起按時未暑今依三

十國春秋

五月丁亥朔孫皓至

吳志皓傳天紀四年三月丙寅殺岑昏戊辰陶濬從武昌還壬申王

濬到受皓降五月丁亥集于京邑四月甲申封歸命侯晉武紀太康元年二月王濬等破武昌王渾斬張悌三

月壬申濟至石頭皓降乙酉大赦改元四月遣朱震等慰撫五月辛亥封歸命侯丙寅引皓升殿庚午詔士卒六十歸家庚辰以濟為輔國將軍王濬傳二月庚申克西陵又云壬寅濟入石頭而無月又上書曰臣十四日至牛渚十五日至秣陵亦無月又曰去二月武昌失守皓左右皆得寶散走三十國春秋四月甲子王渾斬張悌丙寅殺岑昏與何楨書庚午送降書壬申濟入石頭甲申封歸命侯五月丁亥至洛陽晉春秋略與之同按長歷去年閏七月今年二月戊午朔三月戊子朔四月丁巳朔五月丁亥朔六月丙辰朔然則三月無戊辰丙寅壬申五月無庚午庚辰與吳志晉書不合若依三十國春秋月日雖合然二月武昌失守皓左右離散不容四月十六日王濬乃至秣陵而皓降又皓以四月十六日降舉家西上至五月一日未能至洛今事之先後並依吳志晉書但削去其日之不與歷合者

遷王濬鎮軍大將軍

濬傳云領步兵校尉舊校唯五置此營自濬始也按職官志屯騎步

兵長水越騎射聲校尉是為五校並漢官也然則步兵之名非自濬始武帝紀是年六月丁丑初置翊軍校尉

官疑濬所領有翊軍也

是歲凡州十九

宋書州郡志云太康元年天下一統凡十六州後又分雍梁為秦分荆揚為江

分益為寧分幽為平而為二十矣按杜佑通典平吳分十九州司兗豫冀并青徐荆揚梁雍秦益涼寧幽平交廣今從之

山濤言不宜去武備

濤傳云與盧欽論之按欽咸寧三年三月己辛

二年十月慕容涉歸寇昌黎

帝紀云慕容廆按范亨燕書武宣紀廆泰始五年生

年十五父年于涉歸卒太康四年也此年入寇當是涉歸

十一月陳騫薨

帝紀云大司馬按騫以咸寧三年辭位以高平公還第

三年正月帝問司隸校尉劉毅

隸校尉帝嘗南郊禮畢問毅而無年月晉春秋問毅在此月而不言毅官按毅傳六年自司隸遷左僕射或者此年尚未改為司

隸校尉帝嘗南郊禮畢問毅而無年月晉春秋問毅在此月而不言毅官按毅傳六年自司隸遷左僕射或者此年尚未改為司

四年慕容刪篡立

載紀刪作耐今從燕書

五年正月己亥青龍見

五行志作癸卯今從帝紀

罷寧州置南夷校尉

地理志太康三年廢寧州置南夷校尉今從華陽國志

六年正月劉毅卒

晉春秋在七年十月今從本

七年正月魏舒遜位

舒遜位紀傳皆無年月本傳曰以災異遜位帝不聽後因正旦朝罷

還第表送章綬按本傳又曰遜位之際莫有知者若今年正旦日食遜位至他年正旦乃送章綬不得云人無知者蓋止因今者正旦朝罷遂以災異遜位不復起耳

資治通鑑考異卷三

欽定四庫全書

資治通鑑考異卷四

宋司馬光撰

晉紀中

惠帝元康四年正月安昌公石鑒薨

本傳鑒封昌安縣侯今從帝紀

傳咸卒

三十國晉春秋元康四年七月傳咸為司隸五年五月始親職十月卒二書附年月多舛故

以本傳為定

五年十月武庫火

三十國晉春秋云閏月宋晉五行志云閏月庚寅今從晉書帝紀

八年九月李特入蜀

帝紀元康七年關中饑八年雍州有年而華陽國志三十國晉春秋

皆云八年特就穀入蜀今從之

九年正月出成都王穎為平北將軍

帝紀云以穎為鎮北大將軍今從本

傳

六月高密王泰薨

帝紀云隴西王本傳云泰為尚書令改封高密紀誤

裴頠賈模張華議廢賈后

賈后傳曰模與裴頠王衍謀廢之衍後悔而止今從頠傳

八月裴頠劉頌上表疏

刑灋志叙頌奏續頠表之下而云侍中太宰汝南王亮按頠表

引元康八年事時亮死已久蓋志誤也

永康元年正月

帝紀天文志皆有已卯日食宋志無之按長曆已卯十七日安得日食

皇孫彪卒

帝紀彪作霖按彪字道文不當作霖今從傳

八月石崇潘岳歐陽建被收

崇傳曰崇建潛知其計陰勸淮南王允齊王罔圖趙

王倫若崇果與允同謀允敗崇應惶遽不應被收時方宴於樓上蓋倫秀以舊怨誣殺之耳

以劉頌為光祿大夫

三十國春秋云倫黨人怒謀害頌頌懼自殺頌傳云頌為光祿尋病

卒今從傳

十一月耿滕為益州刺史

帝紀作耿勝載紀華陽國志作滕今從之

滕欲入州

華陽國志曰戰於廣漢宣化亭殺傳詔按州郡俱治成都不容戰於廣漢又趙獻若已與

滕戰不應欲直入州今從載記

趙獻殺趙模陳摠

帝紀獻又殺健為太守李密汶山太守霍固按華陽國志健為太守李密

汶山太守楊邠非密固也載記亦作李苾蓋紀誤

獻自稱益州牧

晉春秋云建號太平元年他書無之今不取

永寧元年正月趙王倫即帝位

三十國春秋云倫將篡位義陽王威執詔示搆

紹曰聖上法堯舜之舉卿其然乎紹厲聲曰有死而已終不有二威怒拔劍而出及惠帝遷於金墉城唯紹固志不從直于金墉絕不通倫時人皆為之懼晉書忠義傳云倫篡紹為侍中惠帝復祚遂居其職二說不同今皆不取

趙廞殺李庠及其子姪十餘人

載記曰及其子姪宗族三十餘人今從華陽國

志又國志庠死去年冬晉春秋在今年春今從之

三月羅尚使王敦討汶山羌死之

帝紀在八月疑是洛陽始知今從華陽國

志

趙王倫使管襲討斬王盛處穆

齊王冏傳曰冏潛與盛穆謀起兵誅倫未發恐

事泄乃與襲殺穆送首於倫以安其意今從三十國春秋

四月大戰于渙水

趙王倫傳作激水今從帝紀

六月復封賓徒王晏為吳王

晏傳自賓徒徙封代王倫誅復本封今從帝紀

齊王冏為大司馬成都王穎為大將軍錄尚書

穎傳曰至鄴詔

王粹加九錫進位大將軍都督中外穎拜受徽號讓殊禮按穎在洛盧志已謂穎曰今當與齊王共輔朝政明已有錄尚書之命但穎不受歸鄴故朝廷使粹追命之耳且穎功大於冏不應獨賞冏而穎未賞也今從帝紀

路秀

帝紀作路季今從齊王冏傳

八月齊王冏殺東萊王蕤

帝紀六月庚午蕤與王興謀廢冏事覺得罪甲戌冏為大

司馬按誅興詔已稱冏為大司馬則興事覺不應在冏為大司馬前今從三十國春秋在八月

九月東安王繇舉東平王楙鎮下邳

帝紀八月楙為平東督徐州九月繇

復爵按楙傳繇為僕射舉楙為平東故移在繇還後

太安元年慕容廆擊素怒延

載紀作素延下云素延怒率衆圍棘城按燕書紀傳

皆謂之素怒延然則怒是其名也

二年正月李特改元建初

帝紀太安元年五月特自號大將軍載記太安元年特稱

大將軍改元後魏書李雄傳云昭帝七年特稱大將軍號年建初昭帝七年太安元年也祖孝徵脩文殿御覽云太安二年特大赦改元建初元年特見殺三十國晉春秋云太安二年正月特僭位改年今從御覽等書

蜀郡任處

載記作任明羅尚傳作任銳今從華陽國志

六月李雄殺陳圖

華陽國志作陳肯今從載記

七月處士范長生

華陽國志作范賢今從載記

涪陵徐輦

華陽國志作徐輦今從載記

長沙王又徵李含為河南尹

舍傳云河間王顥表含為河南尹今從皇甫重傳

張昌逃于下儁山

帝紀八月庚申劉弘及張昌戰于清水斬之昌傳云昌敗竄于下儁山明

年秋擒斬之按弘斬張奕表云張昌姦黨初平昌未梟首故從昌本傳

八月以長沙王又為太尉都督中外諸軍事

帝紀太安元年十二

月又誅齊王即以又為太尉都督中外晉春秋二年七月顥穎起兵乃以又為太尉都督以討之按齊王死後穎懸執朝政又未應都督中外又顥見為太尉又不應更為太尉今從晉春秋

十月戊申戰于建春門

陸機傳云戰于鹿苑今從帝紀

孫拯下獄

晉春秋作孫承今從晉書

張方退屯十三里橋

河間王顥傳云馱水橋今從帝紀

閏月羅尚留張羅守城

載記作羅特今從華陽國志

永興元年正月癸亥東海王越收長沙王

越傳云殿中諸將及

三部司馬疲於戰守密與左衛將軍朱默夜收义別省逼越為主今從义傳

甲子大赦改元

帝紀太安二年十二月甲子大赦永興元年正月大赦改元疑是一事

丙寅張方殺义

帝紀三十國晉春秋云太安二年十二月殺义义傳云初义執權之始洛下謠

曰草木萌芽殺長沙义以正月二十五日廢二十七日死如謠言焉樂廣傳云成都王穎廣之壻也及與長沙

王又遭難而廣既處朝望羣小讒謗之廣以憂卒惠帝紀永興元年正月丙午樂廣卒若廣卒時又未死即又傳正月二十五日廢為是合移在永興元年正月而晉春秋太安二年八月樂廣自裁按帝紀今年正月以顗為丞相遣兵屯城門代宿衛者疑此皆又初死時事又今年正月末亦有甲子丙寅今從又傳

十月劉淵遷都左國城

下云離石大饑遷于黎亭則是淵猶在離石也按杜佑通典離

石有南單于庭左國城然則淵雖遷左國猶在離石縣境內也

淵即漢王位

帝紀李雄劉淵稱王皆在十一月惠帝入長安後華陽國志李雄十月稱王一本作

十二月三十國晉春秋十六國鈔皆在十月今從之

范陽王虓等請降封太弟顗

虓傳云與鎮東將軍周馥同上言按馥傳帝自長安

還馥出為平東將軍都督揚州代劉準為鎮東
據此表張方猶存蓋自鄴還洛陽時也

十二月高密王略鎮洛陽

惠紀作高密王簡按宗室傳高密孝王略字元簡時都督

青州後遷都督荊州未嘗鎮洛陽蓋簡即略也時雖有朝命而略不至或嘗鎮洛陽而本傳遺脫耳

二年六月拓跋猗色斬漢將綦母豚

後魏書桓帝紀及劉淵傳下云淵南

走蒲子按晉載記淵無走蒲子事下云自離石遷黎亭蓋後魏書夸誕妄言耳

八月琅邪王睿請王導為司馬

導傳曰元帝鎮下邳請導為安東司馬按元帝

時為平東及徙揚州乃為安東耳或者平字誤為安或後為安東司馬故但云司馬

十月詔劉弘彭城王釋等討劉興

劉喬傳釋作繹帝紀宗室傳皆作釋蓋喬

傳誤帝紀八月車騎大將軍劉弘逐平南將軍彭城王
釋于宛弘釋傳及衆書皆無之弘傳但云彭城前東奔
有不善之言按弘晉室純臣劉喬與范陽構難弘猶以
書和解之以安天下尊王室釋受王命鎮宛而弘肯更
自逐之乎據此詔令弘釋共討
劉興疑無弘逐釋事帝紀必誤

十一月河間王顥遣呂劬收劉暉

暉傳云顥遣陳顏呂劬率騎五千收暉按

暉匹夫安用五千騎蓋劬時在洛顥
敕使收暉耳說者欲大其事故云爾

十二月王浚以突騎資劉琨

琨傳云得突騎八百人按
劉喬傳云琨率突騎五千

濟河攻喬疑八百太少或因下文
迎東海王之數致有茲誤今闕疑

劉喬奔平氏

帝紀云喬奔南陽按地理志南陽無平氏
縣武帝分南陽置義陽郡有西平氏縣或

者南陽有東平氏而非縣與

吳王常侍甘卓棄官東歸

卓傳云州舉秀才為吳王常侍討石冰以功賜爵都亭侯

東海王越引為參軍出補離狐令棄官東歸遇陳敏敏傳云吳王常侍甘卓自洛至按卓為常侍不應討石冰為離狐令不應自洛至今從敏傳

光熙元年三月李毅女秀守寧州城

懷帝紀永嘉元年五月建寧郡夷攻

陷寧州死者三千餘人李雄載記云南夷李毅固守不降雄誘建寧夷使討之毅病卒城陷毅壯士三千餘人送婦女千口於成都王遜傳云李毅卒城中奉毅女固守經年華陽國志有毅卒年月及女秀守城事今從之

六月復羊后

后傳曰張方首至洛陽即日復后位按方傳首已久不至今日今從帝紀

司空越遣糜晃擊河間王顥

牽秀傳云顥密遣使就東海王越求迎越遣將糜晃

等迎顥今

從顥傳

李雄即帝位改元晏平

晉帝紀三十國晉春秋皆云永興二年六月雄即帝位華陽國

志光熙元年雄即帝位後魏書序紀及李雄傳皆云昭帝十二年雄稱帝即光熙元年也十六國春秋鈔晏平元年六月雄即帝位十六國春秋目錄雄年號建興二晏平五與華陽國志同今從之諸書雄改元晏平無大武年號惟晉載記改元大武無晏平年號按雄國號大成魏書雄傳云雄稱帝號大成改年晏平故三十國春秋誤云改年大成載記傳寫誤為大武今從諸書去大武之號

以范長生為天地太師

華陽國志尊長生曰四時八節天地太師今從晉載記

八月以范陽王虓為司空

虓傳云為司徒今從帝紀

十二月南陽王模殺河間王顥

三十國晉春秋云東海王越殺顥今從顥傳

懷帝永嘉元年二月陳敏弟處勸敏殺顧榮等

敏傳云弟祖勸

殺榮按晉春秋敏臨死謂處曰我負卿時昶已先死今從晉春秋

七月琅邪王睿鎮建業

元帝紀曰東海王越之收兵下邳以帝都督揚州越西迎大駕

留帝居守永嘉初用王導計始鎮建業按既都督揚州不當猶鎮下邳又懷帝紀明言七月己未睿都督揚州

鎮建業

今從之

九月王導說睿引顧榮賀循

導傳曰元帝鎮建康居月餘士庶莫有至者會從兄

敦來朝導謂之曰琅邪王仁德雖厚而名論猶輕兄威風已振宜有以匡濟者會三月上巳帝觀禊敦導皆騎從王敦傳東海王越誅繆播後乃以敦為揚州刺史其後徵拜尚書不就周玘傳錢璦聞劉聰逼洛陽不敢進乃謀反時王敦遷尚書與璦俱西欲殺敦敦奔告元帝懷帝紀永嘉元年七月琅邪王睿鎮建業三年三月殺繆播四年二月錢璦反是時睿在建業已三年矣安得言月餘又睿名論雖輕安有為都督數年而士庶莫有至者陳敏得江東猶首用周顧以收人望導為睿佐豈得待數年然後薦之乎然則導傳所云難以盡信今刪去導語及敦名而已

十一月以王敦為青州刺史

晉春秋王衍言於太傅越以王澄為荊州敦為揚州

據吳楚以為形援越從之於是澄敦同發越餞之敦傳自青州入為中書監東海王越誅繆播後始出為揚州

播死在永嘉三年三月此年越在許昌不在洛故以晉書為定

十二月王彌劉靈降漢

彌傳曰彌逼洛陽敗於七里澗乃與其黨劉靈謀歸漢按十六

國春秋靈為王讚所逐彌為荀純所敗乃謀降漢今年春靈已在澗所五月彌乃如平陽然則二人先降漢已久矣彌傳誤也

以魏興太守王遜為寧州刺史

華陽國志以廣漢太守王遜為寧州按時廣漢

已為李雄所陷今從遜傳

二年正月丙午朔日食

帝紀天文志云丙子朔誤今從長歷

劉淵遣劉聰等據太行石勒等下趙魏

石勒載記曰元海使劉聰攻壺

關命勒率所統七千為前鋒都督劉琨遣護軍黃秀等救壺關勒敗秀於白田殺之遂陷壺關事在明年今從

十六國春秋

二月西平太守曹祛

晉春秋作曹祗今從張軌傳

治中楊澹

晉春秋作張澹今從張軌傳

七月劉淵徙蒲子

劉琨答太傅府書曰偕遣使驛離間其部落淵遂怖懼一大于南奔蒲子

雜虜歸降萬有餘落琨傳亦然按時淵疆琨弱豈因畏琨而徙都益琨為自大之辭史因承以為實耳

氏酋單徵降漢

載記作氏酋大單于徵按當時戎狄酋長皆謂之大徵即光文單后之父于衍

也字

十二月成尚書令楊褒卒

載記云丞相楊褒今從晉春秋

三年正月宣于脩之言於漢主

晉春秋作鮮于脩之今從載記十六國春秋

夏石勒敗黃肅於封田

石勒載記肅作秀封作白今從十六國春秋及劉琨集

淮南內史王曠

十六國春秋作王廣今從帝紀

龐淳降漢

十六國春秋作劉惔劉琨傳作襲醇今從帝紀

白部鮮卑

劉琨集作百部今從後魏書晉書

劉琨自將擊劉虎

帝紀七月劉聰及王彌圍壺關琨使兵救之為聰所敗王曠等及聰戰又

敗龐淳以郡降賊十六國春秋淵五月遣聰攻壺關敗韓述黃肅六月晉遣王廣等來討七月戰於長平晉師

敗劉惔以壺關降按劉琨集載六月癸巳琨荅太傅府書曰聰彌一上黨龐惔不能禦又曰安居走利韓述授首封田之敗黃肅不還浹辰之間名將仍殄又曰即重遣江陶都尉張倚領上黨太守疾據襄垣續遣鷹揚將軍趙擬梁余都尉李茂與倚併力輕行夜襲賊捐棄輜車宵遁而退追尋討截獲三分之二當聰彌之未走烏丸劉虎構為變逆西招白部遣使致任稱臣於淵殘州困弱內外受敵輒背聰而討虎自四月八日攻圍然則琨討虎以上事皆在四月以前也蓋晉漢二史皆據奏報事畢而言之今依琨集為定

十二月李臻遣其子成擊王浚

燕書王誕傳成作咸今從李洪傳

四年七月劉淵卒

十六國春秋八月丁丑淵召太宰歡樂等受遺詔已卯卒辛未葬按長歷

七月壬戌朔十六日丁丑十八日己卯八月辛卯朔無丁丑己卯及辛未辛未乃九月十一日蓋淵以七月卒

九月葬十六
國春秋誤

北海王義

載記作又按十六國春秋作又今從之

十月劉琨以地與猗盧

懷帝紀永嘉五年十一月猗盧寇太原劉琨徙五縣居之六年

八月辛亥劉琨乞師于猗盧表盧為代公宋書索虜傳在永嘉三年晉春秋在永嘉四年且云猗盧率萬餘家避難自雲中入鴈門後魏序紀在穆帝三年即永嘉四年也琨集永嘉四年六月癸巳上太傅府牋云盧感封代之恩故知在四年六月之前又琨與丞相牋曰昔車騎感猗色救州之勲表以代郡封色為代公見聽時大駕在長安會值戎事道路不通竟未施行盧以封事見託琨實為表上追述車騎前意即蒙聽許遣兼謁者僕射拜盧賜印及符冊浚以此見責戎狄封華郡誠為失禮然益以救弊耳亦猶浚先以遼西封務勿塵此禮之

失浚實啟之浚遂與盧爭代郡舉兵擊盧為所破紛錯
之由始結於此鴈門郡有五縣在陜北盧新并麀官國
甚彊盛從琨求陜北地以竝遣三萬餘家散在五縣間
既非所制又於琨殘弱之計得相聚集未為失宜即徙
陜北五縣著陜南盧因移頗侵逼浚西陲圍塞諸軍營
浚不復見恕危弱而見罪責以此觀之盧非避難而來
也

琨遣猗盧兵歸國

後魏序紀曰劉琨乞師救洛穆帝遣
步騎二萬助之東海王越以洛陽飢

荒不許按琨與丞相賸曰琨傾身竭辭北和猗盧遂引
大衆躬啓戎行即具白太傅切陳愚見取賊之計聰宜
時討勒不可縱而宰相意異所慮不同更憂苟晞馮嵩
之徒而稽二寇之誅遣使節抑挫臣銳氣臣即解甲遣
盧衆歸國若猗盧果遣衆
赴洛琨賸安得不言也

十一月加張軌鎮西將軍

帝紀云安西按惠帝永興二年已加軌安西將軍從本傳

五年正月琅邪王睿使甘卓等攻周馥

帝紀戊寅睿使卓攻馥於壽春

馥衆潰未知其為命卓之日與攻日潰日故闕之

三月丙子東海王越薨

帝紀五年正月帝密詔荀晞討越乙未越遣楊瑁裴盾共擊晞

三月戊午詔下越罪狀告方鎮討之以晞為大將軍丙子越薨晞傳晞移告諸州陳越罪狀帝惡越專權乃詔

晞施檄六州協同大舉晞移諸征鎮帝又密詔晞討越晞復上表稱李初至奉被手詔卷甲長驅次子倉垣五

年帝復詔晞陳越罪惡詔至之日宣告天下率齊大舉晞表稱輒遣王讚將兵詣項越使騎於成臯間獲晞使

遂大構嫌隙晉春秋五年正月上遣李初詔晞討越按越若已得晞使則帝亦不能自安潘滔何倫等不容晏

然在洛且滔等未去則帝亦不敢明言使晞討越年月
事迹既前後參差如此今竝置於越覺之時庶為不失

四月四十八王皆沒於石勒

東海王越傳云三十六王今從帝紀

六月丁未劉聰封帝平阿公

帝紀聰以帝為會稽公載記三十國春秋云平阿公

晉春秋云平河公河字益誤十六國三十國晉春秋明年二月乃封帝會稽公益先封平阿後進會稽帝紀闕略今從諸書

秦王業南犇密

晉書愍帝諱鄴又改建鄴為建康按三十國晉春秋愍帝名子業或作業又吳

志孫權改秣陵為建業取興建基業為名皆不為鄴字今從之

中書令李紆

開傳作李暉今從王浚傳

七月王浚立皇太子

晉書初無其名劉琨與丞相賡曰浚設壇場有所建立稱皇太子不

誰知為

九月劉粲殺南陽王模

帝紀八月模遇害按劉琨上丞相賡曰平昌以九月遇禍世子

時鎮隴右故得無恙今以為據

十月猗盧遣子六脩助劉琨

晉春秋作利孫按利孫即六脩也胡語訛轉耳

六年七月高喬郝聿以晉陽降漢

劉琨傳曰屬龐醇降于聰鴈門烏丸復反

琨親出禦之粲乘虛襲取晉陽按琨上太子賡曰聰以七月十六日復決計送死臣即自東下率中山常山之卒並合樂平上黨諸軍未旋之間而晉陽傾潰十六國春秋亦云琨收兵常山本傳誤也

九月賈疋等奉秦王業為皇太子

懷帝紀云賈疋討劉繫於三輔走之關中

小定奉秦王為太子按賈疋等以永嘉五年攻劉繫於新豐繫敗還平陽奉秦王入雍城六年三月劉曜棄長安走秦王入長安漢兵皆已退矣秦王為太子時劉繫方在晉陽懷紀誤

十月猗盧遣其子六脩及兄子普根等攻晉陽

十六國春秋云

遣子曰利孫宥六須載記云賓六須劉琨集云左右賢王又云右賢王撲速根今從後魏書

箕澹

十六國春秋後魏書計姬澹今從劉琨傳

漢人殺盧志

劉聰載記志勸太弟義作亂被誅按志勸成都王穎起義兵諫穎攻長沙王又忠義

敦篤始終不虧非勸人作亂者也今從盧諶傳

十二月賈疋戰死帝紀曰疋討賊張連遇害疋傳天護攻之疋敗走墜澗死今從十六國春秋

段疾陸眷石勒載記及後魏書作就陸眷今從王浚傳

末杯後魏書作未波今從王浚傳

王敦屯豫章王澄傳曰時王敦為江州鎮豫章按敦時為揚州刺史都督征討諸軍非為江州也

王機入廣州王澄死周覲敗王敦鎮豫章機入廣州紀傳皆無年月按衛玠傳玠依敦於豫章以

永嘉六年卒故附於此

王如降於王敦如降亦無年月明年有餘黨入漢中故附此

愍帝建興元年四月琅邪王睿用郝鑒為兗州

劉琨集建興二

年十一月壬寅朔與丞相賸曰焦求雖出塞鄉有文武
膽幹苟晞用為陳留太守獨在河南距當石勒撫綏有
方琨以求行賈兗州刺史後聞荀公以李述為兗州以
素論門望不可與求同日而論至於膽幹可以處危權
一時之用李述亦不能及求而王玄年少便欲共討求
琨以求已與玄構隙便召還而州界民物甚不安服述
二千石及文武大姓連遣信使求刺史是以遣兄子演
代求領兗州事往年春正月遣詣鄴至是斬王桑走趙
固云云今勒據襄國逼近鄴城故合演轉南演今治在
廩丘而李述郝鑒竝欲爭兗州或云為荀公所用或云
為明公所用大寇未殄而自共尋干戈此亦大潰也輒
敕演謹自守而已按王桑趙固之敗及石勒攻鄴皆在
永嘉六年琨賸又云傳長安消息主上是秦王又建興
二年十一月丙申朔元年十一月壬申朔十二月壬寅

朔然則琨發牋之日建興元年十二月壬寅朔也傳寫誤耳

九月荀藩薨於開封

帝紀曰薨於榮陽今從藩傳

二年正月陳元達言女寵太盛

載記元達等曰臣恐後庭有三后之事按立三

后在明年於時未也

二月劉琨移檄州郡

琨集檄首云三月庚午朔五日甲戌按石勒以壬申克幽州蓋時晉

陽尚未知也欲叙琨事畢然後叙勒事故置此

三月壬申石勒至薊

三十國春秋先言癸酉勒取幽州後言壬午勒晨至薊按劉琨表曰

勒以三月三日徑掩薊城然則當言壬申是也

五月己丑張軌薨

帝紀作壬辰今從前涼錄鈔又曰葬建陵蓋張祚僭號後追尊

墓其

六月殷凱帥衆向長安

晉春秋作段凱今從麴允傳

三年三月漢改元建元

十六國春秋建元元年在晉建興二年同編脩劉恕言今晉州

臨汾縣嘉泉村有漢太宰劉雄碑云嘉平五年歲在乙亥二月六日立然則改建元在乙亥二月後也

八月杜弢遁走道死

弢傳云弢逃遁不知所在晉春秋云城潰弢投水死今從帝紀

以第五猗為安南將軍

周訪傳云征南大將軍今從杜曾傳

四年正月追謚吳王晏曰孝

本傳晏謚敬王今從愍帝紀

漢太宰河間王易

晉春秋易作士通今從載記

七月漢三后之外佩后璽者七人

劉聰載記曰四后之外按時漸上皇后已

死唯三后耳云四誤也

十一月侍中宗敞

帝紀作宋敬今從晉春秋

十二月乙卯朔日食

帝紀天文志皆誤作甲申朔宋志乙卯朔與長曆合今從之

中宗建武元年五月壬午日食

帝紀天文志皆云五月丙子日食按長曆是月

壬午朔無丙子今以長曆為据

十一月己酉朔日食

帝紀天文志皆云十一月丙子日食按長曆十月十二月皆己卯朔

是月己酉朔二十八日丙子晉書元帝紀十一月有甲子丁卯若丙子朔則甲子丁卯乃在十月又劉琨集是年三月癸未朔八月庚辰朔皆與長厯合今以為据

太興二年蒲洪降趙

三十國晉春秋洪降劉曜在太興元年按元年曜未都長安晉書洪

載記無年但云曜僭號長安洪歸曜故置此年

三年六月閻涉趙卬等殺張寔

晉書寔傳作閻沙趙卬又云寔知其謀收劉弘

殺之据晉春秋作閻涉趙卬又弘死在寔被殺後今從之

四年十二月以慕容廆為車騎將軍平州牧

燕書云車騎大將軍

平州刺史按晉書載記先拜平州刺史尋加車騎州牧今從之

永昌元年十月王敦以王諒為交州刺史

諒傳永興三年敦以諒為

交州按永興三年即惠帝光熙元年也諒傳誤

肅宗大寧元年四月王敦移鎮姑孰屯于湖

晉春秋及後魏書僭

晉傳云屯蕪湖晉書明帝紀云敦下屯于湖今從之

六月阮放卒

放傳云成帝幼冲庾氏執政放求為交州下乃云逢高寶平梁碩還非成帝時也放

傳誤

二年六月溫嶠與右將軍卞敦守石頭

敦傳云王敦表為征虜將軍都

督石頭軍事明帝討敦以為鎮南將軍假節今從明帝紀

詔有能殺錢鳳送首封五千戶侯

晉春秋此詔在王導為敦發喪前故云有

能斬送敦首封萬戶侯賞布萬疋按此詔云敦以隕斃是稱敦已死也不應復購其首今從敦傳

七月王含等水陸五萬

敦傳及晉春秋皆云三萬今從明帝紀

周光斬錢鳳

晉春秋云戴淵弟良斬鳳今從敦傳

三年二月宇文乞得歸遣兄子悉拔雄拒慕容仁

燕書征虜

仁傳作悉拔堆後魏書宇文莫槐傳作乞得龜悉拔堆載記亦作龜燕書武宣紀作乞得歸悉拔雄今從之

四月石瞻攻兗州殺檀斌

帝紀作石良今從石勒載記

顯宗咸和三年二月後趙改元太和

晉春秋云勒即帝位改元太和按勒

建平元年始即帝位
今從勒載記

四月溫嶠從弟充

晉春秋作從兄
今從晉書嶠傳

五年六月趙以翟斌為句町王

晉書春秋作翟真按秦
亡後慕容垂誅翟斌斌

兄子真北走故
知此乃斌也

九月趙王勒即帝位

載記云自襄國都臨漳即鄴也按
建平二年四月勒如鄴議營新宮

三年勒如鄴臨石虎第勒疾虎詐召石宏還襄國
至虎建武元年九月始遷鄴是勒未嘗都鄴也

封彭城王子浚為高密王

宗室傳作俊
今從帝紀

十月楊謙退保宜都

帝紀作陽謙今
從李雄載記

七年正月趙主勒大饗羣臣

晉春秋云陶侃遣使聘後趙趙王勒饗之按侃與勒

必無通使之理今不取載記云勒因饗高句麗宇文屋孤使今但云饗羣臣

九年十一月石虎稱居攝趙天王

三十國晉春秋虎即位改元永熙陳鴻大

統歷云石虎即位改建平五年為延興明年改建武按三十國晉春秋不記弘改元延熙虎之立實延熙元年也故誤云永熙弘既號延熙虎安肯稱永熙陳鴻云虎改建平五年為延興即是弘踰年不改元也恐二說誤

咸康三年趙庭燎油灌下盤死者二十餘人

載記云七人今從三

十國春秋

七月趙王虎殺太子邃

燕書文明紀云咸康四年四月石虎至燕城下會鄴使至太子

邃在後恣酒入宮殺害石主大恐狼狽引還又云初帳
下吳胄使鄴還說四月浴佛日行像詣宮石太子邃騎
出迎像往來馳騁無有儲君體王曰古者觀威儀以定
禍福此子虎之副二而輕佻無禮將不得其死然及石
主東歸留邃監國荒敗內亂以致誅戮按十六國晉春秋
秋殺邃皆在咸康三年燕書恐誤今從十六國晉春秋
六年九月燕王皝襲趙略三萬餘家燕書云略燕范陽
二郡男女數千口

而還今從後
趙燕載記

八年正月己未朔日食

天文志作乙未今
從帝紀及長厯

資治通鑑考異卷四

欽定四庫全書

資治通鑑考異卷五

宋 司馬光 撰

晉紀下

康帝建元元年七月桓溫率衆入臨淮

帝紀溫入臨淮下云庾翼為征

討大都督遷鎮襄陽按翼傳翼先表移鎮安陸至夏口上表云九月十九日發武昌二十四日達夏口始請徙

鎮襄陽始詔加都督征討

諸軍事故知不在此月

八月燕王皝遣世子儁等擊代

後魏字紀八月慕容元真遣使請薦女無用兵

事今從

燕書

二年正月宇文涉夜干

慕容皝載記作涉
奕千今從燕書

燕王皝殺慕容翰

三十國春秋云永和二年九月殺翰
燕書翰傳翰嘗臨陳為流矢所中病

卧歲時不出入後漸差試馬按自討宇文後翰未嘗預
攻戰自建元二年正月至永和二年九月已踰年矣三

十國春秋恐誤
今從載記翰傳

孝宗永和三年七月趙王虎遣將擊張重華遂城長最

晉春秋作上最
今從重華傳

五年四月拜慕容儁幽平二州牧

儁載記云幽冀并
平四州牧從帝紀

五月石遵封世為譙王廢劉氏為太妃

晉春秋及十六國春秋鈔皆云

廢太后為昭儀今從載記十六國春秋及載記又云世立三十三日按四月己巳至五月庚寅凡二十一日

燕王儁講武戒嚴

燕景昭紀集兵在四月時石虎方死諸子未爭十六國春秋在五月故從

之而燕書載封奕纂與根言俱指冉閔按是時閔未篡趙蓋撰史者附會耳故削去

八月褚裒退還河北遺民二十餘萬死亡略盡

裒傳云為慕容

皝及苻健所掠死亡咸盡按是時慕容皝卒已踰年矣永和六年慕容儁始率衆南征石鑒即位後蒲洪始有衆十萬永和六年洪死健始嗣位皆與裒不相接今不取

六年閏月

帝紀正月後云閏月三十國晉春秋皆云閏正月按長厯閏二月帝紀閏月有丁丑己丑

按是歲正月癸酉朔若閏正月即無丁丑已丑今以長歷為据

三月趙新興王祗即帝位

晉帝紀祗即位在閏月三十國晉春秋皆在三月按十六

國春秋祗稱帝拜姚弋仲苻健官而不言苻洪洪三月死故疑祗以三月即位

七年十一月樂陵太守賈堅

燕書賈堅傳烈祖問堅年對以受新命始及三載烈

祖悅其言拜樂陵太守按堅以去年九月獲於燕至明年始三年若未為樂陵太守豈能安集諸縣告諭逢鈞故知堅先已為樂陵太守非因問年而授

八年正月冉閔殺劉顯

閔殺顯晉帝紀在正月十六國春秋鈔在二月燕書在三月已

酉未知孰是今從帝紀

升平二年八月郝曇為荀羨軍司

帝紀謝萬為豫州下
云郝曇為北中郎將

督五州軍事徐兗二州刺史曇傳云荀羨有疾以曇為
軍司頃之羨徵還除曇北中郎將都督刺史按帝紀十
二月北中郎將荀羨及慕容儁戰于山莊王師敗績燕
書十二月荀羨寇泰山殺太守賈堅載紀荀羨殺賈堅
下云敗羨復陷山莊次知八月曇
未為徐兗二州恐始為軍司耳

哀帝興寧元年閏八月張天錫弒玄靚

帝紀天錫殺玄
靚自立在七月

今從晉
春秋

十月朱斌克許昌

燕書作朱黎
今從晉帝紀

二年八月慕容恪將取洛陽

帝紀慕容暉寇洛陽上云
苻堅別帥侵河南按明年

恪拔洛陽堅親將以備潼關是未敢與燕爭河
南也十六國春秋堅傳亦無此舉帝紀恐誤

三年二月桓沖監江州及荊豫

帝紀云冲領南蠻校尉按江左唯荊州領南蠻

沖傳亦無蓋紀因桓豁重出字不取

海西公太和二年正月庾希免官

帝紀是月希有罪走入海按本傳海西廢

後希始逃于海陵此時才坐免官耳

五月秦使曹叡發使如燕朝貢郭辯副之

燕建熙八年皇甫真為太

尉燕書及載記真傳郭辯至燕皆在真為太尉下晉春秋在建熙十年八月恐皆非是故附於曹叡降秦下

四年十二月王猛攻洛陽

燕少帝紀此年十二月王猛攻洛明年正月拔洛十六國

秦春秋十一月王猛伐燕遺慕容紀書紀請降十二月
猛受降而歸今按獻莊紀云慕容合之奔還鄴建熙元
年二月也時王猛猶在洛又猛遺
紀書云去年桓溫起師故從燕書

五年八月慕容評將兵三十萬拒秦

載紀四十萬
今從晉春秋

太宗咸安元年十一月桓溫使劉亨收東海王璽綬

紀帝

三十國春秋亨皆作享後
魏書僭晉傳作亨今從之

十二月庚寅東海王封海西公

海西公紀云咸安二年
正月降封今從簡文帝

紀

孝武帝太元元年五月苻堅伐張天錫周虓曰戎狄以

來未之有也

虓傳曰呂光征西域堅出餞之戎士二十萬旌旗數百里問虓曰朕衆力何如虓曰

戎夷以來未之有也按建元十八年二月虓謀夕徙朔方十九年正月呂光發長安故知在伐涼州時今從十

六國春秋

四年二月秦彭超據彭城

謝玄傳云何謙進解彭城圍又云於是罷彭城下邳二戍

帝紀及諸傳皆不言此年彭城陷沒而十六國秦春秋云超據彭城又云超分兵下邳留徐褒守彭城至七月以毛當為徐州刺史鎮彭城王顯為揚州戍下邳是二城俱陷也

安帝隆安五年九月呂隆降秦

姚興載記姚平伐魏與姚碩德伐呂隆同時魏

書天興五年五月姚平未來侵晉元興元年秦弘始四年也晉帝紀晉春秋皆云隆安五年降秦十六國西秦

春秋云太初十四年五月歸隨姚碩德伐涼南涼春秋
云建和二年七月姚碩德伐呂隆孤攝廣武守軍以避
之皆隆安五年也按秦小國既與魏相持豈暇更興兵
伐涼蓋載記之誤也今以晉帝紀晉春秋十六國西秦
南涼春秋為據

義熙十二年二月姚興卒

晉本紀三十國晉春秋皆云
義熙十一年二月姚興卒魏

本紀北史本紀姚興姚弘載記皆云十二年按後魏書
崔鴻傳太祖天興二年姚興改號鴻以為元年故晉本
紀三十國晉春秋凡弘始後
事皆在前一年由鴻之誤也

宋紀上

高祖永初元年正月乞伏熾磐立其子暮末為太子

晉書

作纂末宋書作乞佛茂
蔓瓜從十六國春秋

二年九月殺零陵王

宋本紀九月己丑零陵王薨晉本
紀九月丁丑據長曆九月丙午朔

無己丑丁丑
今不書日

營陽王

宋本紀高氏小史皆作滎陽臧后謝晦蔡
廓傳作營陽營陽南方郡名也今從之

景平元年正月魏叔孫建入臨淄

索虜傳云虜又遣楚
兵將軍徐州刺史安

平公涉歸幡能健越兵將軍青州刺史臨淄侯薛道于
陳兵將軍淮州刺史壽張子張模東擊青州所向城邑
皆奔走本紀亦云安平公涉歸寇青州按後魏書
無涉歸等姓名蓋皆胡中舊名即叔孫建等也

四月己巳檀道濟軍于臨朐

裴子野宋略作乙巳按長
曆是月丁卯朔無乙巳必

也已也

五月魏主還平城

後魏帝紀五月庚寅還次鴈門庚寅車駕至自南巡必有誤今皆不取

太祖元嘉元年正月

宋本紀正月癸巳朔日有食之宋紀二月巳巳宋略二月癸巳李延

壽南史二月巳卯朔皆誤也按長歷是年正月丁巳二月丁亥朔後魏書紀志是年無食今從之

六月癸丑徐羨之等殺廬陵王義真

宋南史本紀二月廢義真徙新安之

下即云執政使使者誅義真于新安宋義真傳六月癸未羨之等遣使殺義真於徙所羨之傳亦云廢帝後殺義真於新安殺帝於吳縣按長歷六月庚寅朔無癸未蓋癸丑也

八月魏世祖自將輕騎討柔然

後魏本紀云赭陽子尉普文率輕騎討之虜乃

退走李延壽北史紀云帝帥輕騎討之虜乃退走今據蠕蠕傳從北史

二年十月魏長孫翰等出黑漠

翰傳云與娥清出長川今從蠕蠕傳

蛾清出栗園

清傳云與長孫翰出長川今從蠕蠕傳

十一月以楊玄為北秦州刺史

宋本紀癸酉南史庚午按十一月壬午朔無癸

酉及庚午今不書日

三年十一月夏東平公乙斗

奚升傳作乙升今從帝紀

五年二月魏安頡擒赫連昌

十六國春秋鈔云奉光三年五月戰于黑渠為魏所

敗昌與數千騎奔還魏追騎亦至昌河內公費連烏提守高平徙諸城民七萬戶于安定以都之四年二月魏

軍至安定三城潰昌奔秦州魏東平公娥清追擒之送于魏與後魏紀傳不同今從後魏書

三月赫連定擒奚斤等

宋索虜傳元嘉五年使大將吐

安定封昌為公以妹妻之昌弟定在隴上吐伐斤乘勝以騎三萬討之定設伏於隴山彈箏谷破之斬谷伐斤盡坑其衆定率衆求還復克長安燾又自攻不克乃分軍戍大城而還今從後魏書

十月徐州刺史王仲德伐魏

後魏紀云淮北鎮將按南

州刺史宋書仲德傳闕又宋書南史本紀北史本紀及宋魏諸臣列傳魏劉裕傳宋索虜傳皆無是年王仲德等伐魏事唯後魏本紀有之今從之

七年十月崔模降魏

宋書云模抗節不降投匭死按後魏書模仕魏為武城男宋書誤也

乞伏暮末東如上邽

後魏乞伏國仁傳云為赫連定所遣烏訥等求迎宋氏胡傳云茂

蔓聞赫連定敗將家戶及興國東征欲移居上邽今從十六國春秋

八年六月益州刺史慕利延寧州刺史拾虔

十六國春秋作沒利

延拾虎今從宋書

十一月北部敕勒

後魏書北史本紀皆作敕勒鄧淵傳皆作高車按高車即敕勒別名也

九年十二月魏李順使涼

後魏書順初奉冊拜沮渠蒙遜為涼州牧即有蒙遜不拜

及順使還論牧犍事南史順冊拜蒙遜還拜都督四州長安鎮都大將開府徵為四部尚書加常侍延和初使涼始有不拜等事今據順云不復周矣明年蒙遜死帝曰卿言蒙遜死驗矣故從南史

十年三月蕭思話為梁南秦二州刺史

思話傳云楊難當寇漢中乃用

思話按本紀及氏胡傳難當寇漢中皆在十一月

涼王蒙遜立牧健為世子

宋書十六國春秋作茂虔後魏書紀傳作牧健今從之

十一年三月魏于什門還平城

後魏書節義傳云什門在燕歷二十三年按後

魏本紀神瑞元年八月遣于什門招諭馮跋至此年二十一年矣若二十四年乃在太延三年而太延二年馮

氏亡矣

十二年五月焉耆入貢于魏

後魏書皆作烏耆云漢時舊國也按漢書作焉耆今

從之

十一月楊難當使楊保宗鎮童亭

後魏書作薰亭宋書作童今從之

十三年四月燕尚書令郭生

後魏古弼傳作大日古泥今從十六國春秋鈔

十六年九月沮渠牧犍兄子萬年降魏

宋書氏胡傳曰茂虔兄子萬年

為虜內應茂虔見執今從後魏書

牧犍弟宜得安周

宋書宜得作儀德安周作從子豐周今從後魏書

十月魏徙涼州吏民三萬戶于平城

十六國春秋鈔云十萬戶今從後魏

書

十七年四月劉湛言天下艱難詎是幼主所御

南史以為義康

有此言湛景仁並不荅按義康雖不識大體豈敢自為此言湛常欲推崇義康豈肯聞而不荅今從宋書及宋略

五月湛以母憂去職

南史云湛伏甲於室以俟上臨弔謀又泄竟弗之幸宋書無此事按

湛若謀泄當即伏誅豈得尚延半歲今從宋書

十八年十二月詔裴方明等討楊難當

氏胡傳作十九年正月遣方明

等今從帝紀

十九年七月以劉真道為雍州裴方明為梁南秦二州

方明不拜

真道傳此事在胡崇之歿後氏胡傳崇之歿在明年二月即真道傳誤

魏安西將軍古弼

宋索虜傳作吐奚愛弼氏胡傳作吐奚弼蓋其舊姓今從後魏書

唐契攻闕爽

宋氏胡傳作闕爽今從後魏書

九月沮渠無諱將衛興奴

宋書衛興奴作衛察今從後魏書

封無諱為河西王

宋本紀封爵在六月傳在九月末今從傳

二十年四月魏河間公齊殺楊保宗苻達等立楊文德

為主

宋氏胡傳云拓跋齊聞兵起遁走達追擊斬齊因據白崖按後魏河間公齊傳云文德求援於宋宋

遣房亮之苻昭啖龍等率衆助文德斬龍禽亮之氏遂平以功拜內都大官卒然則宋書誤也

文德自稱秦河梁三州牧

宋書在三月魏書在四月今從之

十一月魏主令太子副理萬機

宋索虜傳晃與大臣崔氏寇氏不睦崔寇諧之

玄高道人有道術晃使祈福七日七夜佛狸夢其祖父並怒手刃向之曰汝何故信讒欲害太子佛狸驚覺下偽詔曰王者大業纂承為重儲宮嗣紹百王舊例自今已往事無巨細必經太子然後上聞事節小異今從後

魏書

二十一年正月己亥籍田大赦

宋略辛酉籍田大赦下有戊午又有辛酉誤也

今從宋書

二十二年八月鄯善王真達降魏

本紀作真達興今從西域傳

二十三年二月魏人寇兗青冀三州

宋文帝紀三月索虜寇兗豫青冀刺

史申恬破之魏太武紀二月永昌王仁至高平禽劉義隆將王章略金鄉方與遷其民五千家於河北高涼王那至濟南東平陵遷其民六千餘家於河北蓋宋魏各據秦到之月書之耳宋索虜傳又云虜破掠太原得四千餘口蓋魏人夸張其數故不同耳

五月檀和之等破林邑

本紀在六月傳在五月當是六月賞檀和之等今從傳

八月魏破蓋吳傳首平城

宋索虜傳云屠各反吳自攻之為流矢所中死吳弟吾生

率衆入木面山尋皆破散今從魏書

二十四年十二月魏晉王伏羅卒

宋索虜傳曰燾所住屠蘇為疾雷所擊屠

蘇倒見歷殆死左右皆號泣晉王獨不悲燾怒賜死此出於傳聞今從後魏書

二十七年二月辛亥魏主至南頓

宋書是月辛丑南平王鑠進號西平辛巳

索虜寇汝南按長曆二月壬辰朔十日辛丑二十日辛亥巳當作亥

三月參軍劉泰之

後魏紀作劉拒之今從宋書

七月乙亥魏王賈德棄城走

宋略云虜濟州刺史王淮敗走虜支解王淮傳示列

戊今從宋書

王玄謨圍滑臺

宋略九月庚申玄謨前軍次白馬與虜兖州刺史歌舒跋戰破之玄謨進攻滑

臺從宋書

南平王鑠遣梁坦出上蔡

鑠傳作到坦之今從宋略

十一月辛卯魏主至鄒山

宋略云戊子至鄒山今從後魏書

魏洛州刺史張是連提

宋略作張是連提今從宋書

魏永昌王仁追及劉康祖於尉武

宋略及南平王鐸傳皆作尉氏按康祖傳

云去壽陽裁數十里然則非尉氏也今從康祖及索虜傳作尉武

康祖衆潰

康祖傳云大戰一日一夜又云虜死者大半今從宋略

十二月己未魏兵至淮上

魏本紀云丁卯至淮按宋略己未虜至淮西宋本紀乙丑

胡崇之等敗今從之

臧質使臧澄之營東山

序傳作臧澄之今從帝紀質傳作澄之

質營於城南

宋略云質屯盱眙北今從宋書

魏主設氊屋於瓜步山

魏帝紀云癸未車駕臨江起行宮於瓜步山蓋謂此也今從宋

書

魏主求婚不成

魏帝紀云甲申義隆使獻百牢貢其方物又請進女於皇孫以求和好帝以師

昏非禮許和而不許昏使散騎侍郎夏侯野報之詔皇孫為書致馬通問焉此皆魏史誇辭今從宋書

二十八年二月魏主赦盧度世

宋柳元景傳元景從祖弟光世先留鄉里索虜

以為折衝將軍河北太守封西陵男光世姊夫為司徒崔浩虜之相也元嘉二十七年虜主托跋燾南寇汝潁浩密有異圖光世要河北義士與浩應接謀泄被誅河東大姓坐連謀夷滅者甚衆光世南奔得免太祖以為

振武將軍與魏事
不同今從後魏書

四月以魯秀為潁川太守

宋略云滎陽太守今從宋書

六月魏太子晃以憂卒

宋索虜傳云燾至汝南瓜步晃私遣取諸營鹵獲甚衆燾歸聞

知大加搜檢晃懼謀殺燾燾乃詐死使其近習召晃迎喪於道執之及國罩以鐵籠尋殺之蕭子顯齊書亦云晃謀殺佛狸見殺宋略曰燾既南侵晃淫于內謀欲殺燾燾知之歸而詐死召晃迎喪晃至執之罩以鐵籠捶之三百曳於叢棘以殺焉又索虜傳云晃弟秦王烏奕盱與晃對掌國事晃疾之訴其貪暴燾鞭之二百遣鎮抱罕此皆江南傳聞之語今從後魏書

二十九年二月甲寅魏主被弒

宋書作庚申今從魏書

五月詔蕭思話等北伐

索虜徐爰張永傳並云王玄謨亦北伐玄謨傳中不曾行蓋脫

誤魏紀載六月劉義隆將檀和之寇濟州梁坦及魯安生軍于京索龐萌薛安都寇恒農都不言蕭思話等而宋紀亦無此數人者至七月云韓元興討之和之退梁坦安生亦走不言思話之歸宋略有臧質遣柳元景徇蒲阪元景傳亦有之今從宋書宋略

七月張永等至礪礪

宋略七月壬辰永師及礪礪下有乙酉壬辰按長曆此月丁丑朔

四日庚辰六日壬午十六日壬辰疑永以庚辰或壬午至礪礪非壬辰也

潘淑妃生始興王濬

太子劬傳云濬母卒使潘淑妃養之濬傳及文九王傳皆云濬實潘

子南史亦云淑妃養為子淑妃愛濬濬心不附今從濬本傳

十月魏皇孫濬即位改元興安

宋索虜傳熹以烏奕盱有武略用以為太子會

熹死使人嬖宗愛立可博真為後宗愛博真恐為奕盱所危矯殺之而自立號年承平博真懦弱不為國人所附晃子濬字烏雷直懃素為熹所愛燕王謂國人曰博真非正不宜立直懃嫡孫應立耳乃殺博真及宗愛而立濬為主號年正平與後魏書不同又云在二十八年皆宋書之誤也

十二月戊午魏陸侯進爵東平王

魏紀云戊申按上有丁巳下有癸亥不當

中有戊申蓋戊午字誤耳

三十年正月東宮實甲萬人

宋元奩劭傳云二十八年彗星入太微掃帝座二十

九年十一月霖雨連雪太陽罕曜三十年正月風霰且雷上憂有竊發輒加劭兵衆東宮實甲萬人按二十九

年劭濬巫蠱事已發豈有因十二月及明年正月災異而更加劭兵今從宋略

癸亥夜劭為逆

劭傳云二十一日夜按長歷是月甲辰朔宋略云癸亥夜乃二十日也今從之

三月劭殺新渝懷侯玠

劭傳作球今從長沙王道憐傳

辛卯臧質子敦等逃亡

宋略庚申武陵王戒嚴辛亥臧敦逃按長歷是月甲戌朔無庚

申辛亥又宋略上有甲申下有癸巳此必庚寅辛卯字誤也宋書敦作敦今從之

庚子武陵王移檄四方

宋略移檄亦在庚申日按謝莊傳曰奉三月二十七日檄然則

發檄在庚子日也

四月癸亥柳元景至新亭

宋略云壬戌元景次新林依山為壘按本紀癸亥元

景至新亭元景傳元景至新亭
經日劭乃水陸出軍今從之

五月甲戌魯秀等攻大航

元凶傳云其月三日按
宋略甲戌乃二日也

七月南海太守鄧琬

蕭簡傳作劉
玩今從本紀

世祖孝建元年正月魯爽舉兵

宋本紀二月庚午爽臧
質南郡王義宣徐遺寶

舉兵反義宣傳云其年正月便反宋略云二月義宣等
反按爽之反帝猶遣質收魯弘則非同日反明矣又按
長歷是月戊辰朔然則庚午三日也義宣傳起兵
在二月二十六日但不知爽反在正月與二月耳

三月己亥內外戒嚴

宋本紀宋略皆作癸亥下有辛丑
按長歷是月戊戌朔癸亥二十六

日辛丑乃四日
也當作己亥

四月薛安都等斬楊胡興

安都傳作胡興今從宗越傳

李延壽誅魯爽

此語本出沈約宋書吳喜黃回傳贊而延壽取之以約施用失所故絀其名

柳元景進屯姑熟

垣護之傳作南州蓋南州即姑熟也

五月胡子反等守梁山西壘西南風急

義宣傳曰五月十九日西南風

猛宋略曰巳亥質遣尹周之攻梁山西壘陷之按長曆是月丁酉朔三日巳亥八日甲辰十八日甲寅宋略於

巳亥上有甲辰下有甲寅然則決非十九日與巳亥或者巳酉與辛亥也今不書日闕疑

六月義宣至江陵魯秀北走

宋略云秀自襄陽敗退將及江陵聞敗北走從宋書

大明二年十月遣龐孟虬救清口

宋顧師伯傳云魏遣清水公拾賁敕文冠

清口世祖遣孟虬及殷孝祖赴討魏本紀孝祖修兩城於清水東詔封敕文擊之今從之

三年四月劉道隆

宋略南史作道龍今從宋書

竟陵王誕殺垣闓

宋略云己亥殺闓按本紀乙卯貶誕爵今從之

內外纂嚴

宋略乙亥纂嚴按長厯是月戊戌朔無乙亥蓋己亥也

四年三月魏人寇北陰平朱提太守楊歸子破之

宋帝紀索

虜寇北陰平孔提太守楊歸子擊破之宋略云索虜寇壯降平朱太守楊歸子擊破之按郡縣名無壯降平及

孔提北陰平參酌二書當為朱提

五年九月詔沈慶之位次司空

宋略此事在戊戌按長厯是月甲寅朔無戊戌

以歷陽王子顓為臨海王

宋略作子瑱今從宋書

六年四月殷淑儀卒

南史云殷淑儀南郡王義宣女也義宣敗後帝密取之假姓殷氏左

右宣泄者多死或云貴妃是殷瑛家人入義宣家義宣敗入宮今從宋書

七年正月江智淵以憂卒

宋略曰帝既以僧安辱智淵自是詆之無度智淵不堪其

耻退而自殺今從宋書

太宗泰始元年七月華願兒言於廢帝曰官為鴈天子

宋書作應天子宋略作鴈天子按字書鴈偽物也韓愈詩曰居然見真鴈書或作鴈今從宋略

十月少府劉矇妾孕臨月

宋書帝紀作少府劉勝始安王休仁傳作廷尉劉矇宋略

及南史帝紀皆作少府劉矇休仁傳作廷尉劉蒙今從其多者

廢帝使朱景雲賜晉安王子勛死謝道邁等告鄧琬請

計子勛傳云景雲遣信使告琬宋略云帝使道遇齋敕至潯陽琬謂道遇云云今從琬傳

姜產之

產或作彥宋書宋略南史皆作產今從之

二年正月辛亥以山陽王休祐督諸軍西討

宋略二月庚申以休

祐都督西討今從宋書

壬子路太后殂

宋略南史皆曰義嘉之難太后心幸之延上飲酒置毒以進侍者引上衣上寢

起以其酒上壽是日太后崩喪事如禮宋書無之今不取

三月以鄭黑為司州

宋殷琰傳作鄭墨今從宋本紀宋略

六月始安內史王識之

宋書作王職之今從宋略

蕭頤據郡起兵

宋鄧琬傳云世子與南康相沈用之等據郡起義宋略亦云沈肅之以郡招義

按頤始自獄中劫出琬所署南康相不容便與之同今從蕭子顯南齊書紀

七月劉胡攻錢溪

宋略曰胡進軍鵲頭遣其將陳慶以三百舸逼錢溪今從宋書

十月涼州刺史柳元怙

宋略作元哲今從宋書

兖州刺史畢眾敬

宋略作畢榛後魏書云小名捺今從本傳

命張永等迎薛安都

後魏紀安都與常珍奇降皆在九月而宋本紀宋略遣張永等比出

皆在十月
今從之

常珍奇降魏

宋略十二月甲寅珍奇復以郡叛蓋於時宋朝始聞之耳

畢衆敬子元賓先坐誅

後魏書衆敬傳云元賓有宅罪或獨不捨之宋略云榛息在都

已誅矣
今從之

三年正月張永等棄城夜遁

宋本紀去年冬永攸之大敗遂失淮北四州及豫州

淮西地宋略今年正月永攸之師次彭城虜掩其輜重敗王穆之于武原薛安都開彭城以納虜永等引退虜

追之王師敗績畢榛亦舉兗州歸虜遂失淮北之地魏帝紀去年九月常珍奇薛安都內屬張永沈攸之擊安

都詔尉元救彭城西河公石救懸瓠十一月畢衆敬內屬十二月已未次于柁周凱張永沈攸之相繼退走今

年正月癸巳尉元破永攸之於呂梁東閏月沈文秀崔道固舉州內屬按青冀今歲始叛宋去年豈得已失淮北安都為永攸之所逼故降魏豈得今年永攸之始次彭城安都始納魏兵乎蓋去冬穆之等已敗退今春永大敗耳今從後魏帝紀

失淮北四州及豫州淮西之地

後魏帝紀閏月沈文秀崔道固舉州內屬宋索

虜傳曰永攸之敗退虜攻青冀二州執文秀道固又下書曰淮北三州民自天安二年正月三十日壬寅昧爽已前罪一切原免按青州破在五年淮北三州蓋謂徐司豫壬寅二十日壬子三十日也

二月魏西河公石攻張超

宋帝紀云索虜寇汝陰太守張景遠擊破之景遠即超也

宋略七月張景遠先卒汝陰城又陷亦誤也今從後魏書

三月申纂為魏所殺

宋略云七月纂戰死蓋贈官之月今從魏帝紀

四月魏尉元上表

尉元傳先上表論取四城利害後乃云沈攸之欲援下邳遣孔道恭擊破

之按元以泰始二年九月受詔救薛安都此表云受命出疆再離寒暑又云今雖向熱猶可行師則似上表時在四年春末夏初也又按沈攸之以三年八月出師尋即敗退則上表當在攸之敗後今此表但言陳顯達循宿豫不言攸之救下邳又慕容白曜以四年二月十七日拔歷城而此表欲釋青冀之師先定東南之地則此表不在其年春末夏初決矣蓋再當作載是語助之辭非謂兩經寒暑也故置於此

七月遣沈攸之等擊彭城

宋沈攸之傳宋略皆云帝怒攸之云卿若不行便可使吳

喜獨去按喜傳乃無與攸之討彭城事後魏書作吳僖公不知即吳喜為別一人也

八月魏長孫陵等入東陽西郭暴掠沈文秀擊破之

文秀

傳云八月虜蜀郡公拔式入西郭今從慕容白曜傳

十月徙義陽王昶為晉熙王

宋帝紀在十月今從宋略

四年正月魏以高閭張謹對為東徐州刺史

尉元傳沈攸之既走

元以書諭王玄載玄載與魯僧遵崔武仲相繼皆走遂以高閭與張謹對為東徐州刺史按三年十一月乙卯始以謹為東徐州刺史則於時未降魏也故置於此

二月庚寅魏慕容白曜拔歷城東郭癸巳崔道固降

宋略

云丙申索虜陷歷城執崔道固按後魏列傳道固表云以今月十四日臣東郭失守以十七日面縛請罪長歷

是月丁丑朔今從之

六年四月吐谷渾王拾寅

宋本紀作拾虔今從後魏書

十月立皇子智隨為武陵王

宋本紀作智贊宋略作贊列傳作智隨按太宗生子

皆筮之以卦為其字今從列傳

七年二月内外百官並斷俸祿

宋本紀云日給料祿俸今從南史

帝密取諸主姬有孕者内宮中生男則殺其母

宋書云閉其母

於幽房今從宋略

七月或譖蕭道成有貳心於魏

南齊書太祖紀云帝常嫌太祖非人臣相而民

問流言蕭諱當為天子
帝愈以為疑今從宋略

帝使吳喜賜道成酒

南齊紀云太祖戎服出門遂即酌飲之喜還帝意乃解宋略云道成

懼弗肯飲將出奔喜語以誠先為之酌於是喜得罪而道成被徵蓋南齊書欲成太祖之美故云爾今從宋略

八月魏顯祖傳位太子

後魏天象志云上迫於太后傳位太子按馮太后若迫顯祖傳

位當奪其大政安得猶總萬機今從帝紀


泰豫元年二月王景文飲藥而卒

南史云帝使謂景文曰朕不謂卿有罪然

吾不能獨死請子先之若使者有此語則坐客不容不知更終碁局又曰景文酌酒謂客曰此酒不可相勸自仰而飲之按焦度勸拒命必不對坐客言之何得死時客猶在坐也今從宋書

六月乙巳蒼梧王尊皇太后

宋略本紀作癸未今從宋本紀



資治通鑑考異卷五